

Na osnovu člana 7. Odluke o kriterijima i postupku dodjele sredstava za finansiranje programa i rada udruženja osoba s invaliditetom iz Budžeta USK za 2023. godinu („Sl. glasnik USK“ br. 16/23), te člana 40. stav 1. Zakona o izvršavanju Budžeta USK za 2023. godinu („Sl. glasnik USK“ br. 6/23), ministar Ministarstva zdravstva, rada i socijalne politike objavljuje:

## **Javni poziv za finansiranje programa i rada udruženja osoba s invaliditetom iz Budžeta Unsko-sanskog kantona za 2023. godinu**

### **I Predmet javnog poziva:**

Predmet javnog poziva je dodjela sredstava iz Budžeta Unsko-sanskog kantona za 2023. godinu za finansiranje programa i rada udruženja osoba s invaliditetom, a koji su od interesa za građane Unsko-sanskog kantona ili doprinose razvoju i afirmaciji Unsko-sanskog kantona i provode se na području Kantona.

### **II Pravo učešća**

Pravo učešća po ovom Javnom pozivu imaju kantonalna udruženja osoba s invaliditetom koja rade i provode programe koji su od interesa za građane Unsko-sanskog kantona ili doprinose razvoju i afirmaciji Unsko-sanskog kantona i provode se na području Kantona.

### **III Kriteriji za učešće**

Udruženja podnose prijavni obrazac za finansiranje programa i rada udruženja osoba s invaliditetom iz Budžeta Unsko-sanskog kantona za 2023. godinu sa dokazima o ispunjavanju kriterija navedenih u Odluci o kriterijima i postupku dodjele sredstava za finansiranje programa i rada udruženja osoba s invaliditetom iz Budžeta USK za 2023. godinu.

Kriteriji su:

- a) registracija kantonalnog udruženja osoba s invaliditetom;
- b) prijedlog programa i rada udruženja osoba s invaliditetom koji su od interesa za građane Unsko-sanskog kantona ili doprinose razvoju i afirmaciji Kantona i provode se na području Kantona, uz navođenje omjera troškova za realizaciju programa i rada udruženja;
- c) program rada za tekuću godinu sa obrazloženjem;
- d) finansijski plan za tekuću godinu;
- e) ekonomska ili društvena opravdanost programa i rada udruženja;
- f) izvještaj o pozitivnom finansijskom poslovanju (bilans stanja, bilans uspjeha i narativni izvještaj za prethodnu godinu);
- g) finansijski izvještaj o utrošku sredstava za programe i rad udruženja odobrenih u prethodnoj godini;
- h) organiziranost i broj članova udruženja;
- i) specifičnost potreba članova udruženja, odnosno populacije koju zastupaju.

### **IV Dokumentacija**

Dokumentacija koja se treba dostaviti prilikom prijavljivanja za finansiranje programa i rada udruženja osoba s invaliditetom:

- a) Popunjen obrazac prijave za finansiranje/sufinansiranje program i rad udruženja, koji sadrži: naziv programa i rada udruženja, obrazloženje ekonomske ili društvene opravdanosti programa i rada udruženja (opis problema/potreba, ciljeve i ciljne grupe), pregled kapaciteta za provođenje programa i rada udruženja (oprema, prostor i osoblje), ukupan iznos sredstava potrebnih za finansiranje projekata, programa i aktivnosti,

- očekivani iznos sredstava iz Budžeta Unsko-sanskog kantona, te procenat od očekivanog iznosa sredstava koji bi bio utrošen na rad udruženja;
- b) rješenje o registraciji;
  - c) zapisnik sa posljednje održane skupštine udruženja (original ili ovjerena kopija);
  - d) uvjerenje o poreskoj registraciji - identifikacioni broj;
  - e) uvjerenje o izmirenim poreskim obavezama;
  - f) uvjerenje o izmirenim porezima i doprinosima za zaposlenike (ukoliko ima zaposlenika);
  - g) bilans stanja i bilans uspjeha ovjereni od strane Finansijsko-informatičke agencije za prethodnu godinu;
  - h) finansijski izvještaj o utrošku sredstava za finansiranje/sufinansiranje programa i rada udruženja u prethodnoj godini (osim ukoliko nisu finansirani u protekloj godini iz Budžeta USK ili su registrovani u prošloj godini);
  - i) naziv banke i podaci o transakcijskom računu.

Svi dokumenti koji se podnose kao dokaz o ispunjavanju kriterija iz ovog poziva trebaju biti originali ili ovjerene kopije, te kompletna dokumentacija treba biti poredana po naprijed navedenom redoslijedu.

Primaoci finansijske podrške za realizaciju programa i rada koji nisu dostavili narativni i finansijski izvještaj o utrošku sredstava za program i rad udruženja za koji su imali u prethodnom periodu odobrena budžetska sredstva ili za koje se utvrdi da su sredstva utrošili nenamjenski, ne mogu biti prihvaćeni za finansiranje programa i rada za narednu godinu.

Udruženja kojima sredstva budu odobrena po ovom Javnom pozivu su dužna ista iskoristiti u određenom omjeru i to:

- a) minimalno 70% odobrenih sredstava za programe udruženja;
- b) maksimalno do 30% odobrenih sredstava za rad udruženja.

Udruženja kojima sredstva budu odobrena po ovom Javnom pozivu će sa Ministarstvom potpisati ugovor o međusobnim pravima i obavezama.

## V Podnošenje prijava

Prijavni obrazac za finansiranje programa i rada udruženja osoba s invaliditetom iz Budžeta Unsko-sanskog kantona za 2023. godinu (Obrazac 1) se nalazi na web stranici Vlade Unsko-sanskog kantona, zajedno sa javnim pozivom ili se može preuzeti u prostorijama Ministarstva.

Prijave sa potrebnom dokumentacijom dostaviti u zatvorenoj kovrti na protokol Vlade USK ili poštom na adresu: Ministarstvo zdravstva, rada i socijalne politike Unsko-sanskog kantona, Ulica Alije Đerzeleza br. 2, 77000 Bihać, sa naznakom "Prijava na Javni poziv za finansiranje programa i rada udruženja osoba s invaliditetom iz Budžeta Unsko-sanskog kantona za 2023. godinu - ne otvaraj".

Rok za podnošenje prijava po ovom Javnom pozivu je 8 dana od dana objavljivanja na web stranici Vlade Unsko-sanskog kantona i oglasnoj tabli Ministarstva zdravstva, rada i socijalne politike.

Visinu sredstava za raspodjelu po ovom Javnom pozivu utvrđuje resorno ministarstvo na osnovu odobrenog Budžeta USK za 2023. godinu, te ~~zaprimitih~~ zahtjeva.

Nepotpune i neblagovremene prijave neće se uzimati u razmatranje.



MINISTAR  
Prim. dr. Muris Halkić  
spec. pulmolog